

# Huez ta ordena AVB pa pone J.M. den competitie

DiaVierna mainta den un sesion cu a dura menos cu cinco minuut Huez. Mr. J.V.M. van Koot a duna sentencia den e caso di kort geding cu e club di futbol Juventud Millonarios a cuminsa contra di Arubaanse Voetbal Bond. Awe ta exactamente un siman cu e caso a worde trata door di e dia ey di e juez menciona y di e dia ey el a priminti cu diaVierna lo e duna e sentencia, cual a bira un victoria completo pa e club Juventud Millonarios. E sentencia, atrobe no tabata tin ningun miembro di directiva di A.V.B. presente ni un aprobado di nan pa tend'e, tabata cu A.V.B. mester inclui Juventud Millonarios directamente den e competitie di voetbal 1964 y cu promer cu diaVierna dia 21 di augustus A.V.B. mester participa esaki na e clubnan afilia.

**Tambe e sentencia ta menciona cu dencaso cu A.V.B. no cumpli cu e orden di unclui Juventud Millonarios den e competitie, anto tin di paga na Juventud Millonarios e suma di 1.5.000,-**

(cincu mil florin!!) . E gastonan di e caso, incluyendo e sueldo di e abogado J.B. Wix di J, M, cualnan a worde calcula na f. 150,-, mester worde Paga door di e parti cu a perde e caso, esta A.V.B.

Pa yega na su sentencia naturalmente e Huez mester a considera e peticion di Juventud Millonarios y tambe diferente puntacion. Asina e ta considera cu e peticion di Juventud ta husto ya cu A.V.B. En realidad a actua contrario na loke a worde combeni algun luna pasa cu nombramento di un comision di arbitrage. Den e convenio tabata menciona "cu en cuestion cu e punto tocante cual e comision di arbitrage lo dicidi, door di A.V.B. lo no worde tuma ningun clase di medida contra di Juventud Millonarios cu no ta esun cu e comision di arbitrage dicidi". Tambe Huez a considera cu e medida awor tuma door di A. V.B. dificilmente por worde hustifica apelando ariba e suspensjon imponi door di NAVU, ya cu a worde alega y esaki no a worde contradeci cu Juventud no ta miembro di NAVU y consecuentemente e organisacion aki no por imponi castigu na e club. E huez a considera e deseo di Juventud di hunga den campeonato 1964 algo husto y ta di acuer-

do cu e club cu su inclusion den e campeonato tin un caracter di urgencia y cu pa esaki mester worde tene un sesion di kort geding. A worde concedi pa efectua e sentencia mesora. Si e Huez a haci e termino di tempo den cual A.V. B. mester avisa otro clubnan afilla cu Juventud ta den campeonato atrobe, mas largo cu e abogado Wix a pidi den number di su cliente Juventud Millonarios. Asina el a dicidi di duna A.V.B. te cu diahuebes dia 20 di augustus 1964 pa avisa tur e otro clubnan afilla.

Tocante di e suma didi door di Juventud, tambe e Huez a menciona den su consideracionnan cu e tabai di acuerdo cu e suma di F.5.000.--" como cu no ta probablecu e Bond , lo cumpli cu loke den e sentencia aki keda stipuladnan entre Juventud Millonarios y A.V.B." Tambe e Huez Mr. van Koot ta haci mencion di cu e declaracion di Juventud cueno ta miembro di NAVU ta worde confirma den e estatuten di NAVU, articulo 4 lid 2, caminda ta stipula cu tur miembro di NAVU ta personanan natural. Por cierto e Huez ta menciona tambe cu e suspencion di NAVU ta un decision masha discutibel.

Cu e sentencía aki, pues talvez a yega un fin na un problema cu innecesariamente ta crece cada biaha mas. Nos ta menciona inne-

Sigil lesa pag 2

**Show di I.C.A. a hanja sota di awa**

**PALM BEACH, 17 aug.** - Debi na un awacero basta pisa cual a cal na cuminsamento di e show di moda y auto di Indische Club Aruba, diasabra anochi ultimo, e show aki a resulta mucho menos exitoso cu tabata di spera. En todo caso resto di anochi, apeser cu e awa tabata hunga un rol no tan aprecia na e momento ey, e presentenan, mas o menos un dos cien persona por a goza di e show di moda y auto y tambe por a balia ariba e tononan di Nueva Sensacional. Eshan cu a purba e cumindanan Indones, endudablemente tambe por bisa cu nan a pasa un bon anochi.

sconde pa awa, botternanglasan  
y algun spotlight a keda na werki  
E show a worde interumpi te ora  
cu e awa a stop y epodium por a  
worde hala mas paden, caminda  
e modelonan por a muestra edi-  
ferente binstan sin mester di ca-

**Sigl lesa pag 2**

Dos minuit despues cu e show di moda y auto a cuminsa, ya e publico cual tabata sinta na aire liber, mester a basha na careada - pa busca lugar di scondepa e awa cual tabata basha for dilaire. E-

promer tres manequinan cual a-  
cual yen di animo a cuminsa mun-  
stra e trajenan di banjo, a hanja  
un banjo tambe, como cu nan a  
hanja cu ta mihor pa nan termina  
nan parti promer cu nan sconde  
pa e awa. Door die corremetopa

# FATUM

Pa tur bo aseguronan

**Tel. 1845.**



Diahuebs atardi a yega Aruba un delegacion di verkennerij di Hulanda kendenan a bin haci un bista di un dia na nos isla.

Na aeropuerto e delegacion consistiendo di hoofdcommissaris di NVP, na Hulanda, señor E. Volkmaas, hoofdcommissaris di KV na Hulanda, señor Post y comisario di NVP, señor Beke, a worder ricibi pa un gran cantidad di padvindernan y verkennernan, kendenan tabata completo cu banda. Foto ariba ta muestra di robez pa drechi, señor J. Schouwe, kende ta un di e verkennernan cabezante na Antillas, seño Volkmaas, sr. Post Sr. Beke, señor Sprockel y señor Toochi Arends D.C. di NPV na Aruba. Aki e caballeronan ta para despues di a caba di inspecciona e filanan di honor cual e padvindernan y verkennernan di Aruba a forma na yegada di e delegacion.



SABOR CU NUNCA TA  
VARIA

**IT NEVER VARIES.**



# ABBA no ta bai campeonato hubenil na Cuba

(Di nos redactor deportivo)

E directiva di Amateur Baseball Bond Aruba, apesar di e oferta atractivo di parti di e organisadornan, a dicidi di no tuma parti na e campeonato hubenil na Cuba. E campeonato mundial aki ta anuncia pa cuminsa na principio di september. Ademas di e situacion politico na e pais, sede directiva di A.B.B.A. a tuma na consideracion cu actualmente no tin campeonato local pa hungadornan di e edad cu ta permiti participacion den e campeonato, loke pues ta haci e preparacion di un team digno mucho mas dificil. E tempo pa prepara un equipo den forma adecuado ta mucho cortico tambe. Ta muy probable cu otro paisnan invita tambe nenga e invitacion, locual lo por tin como consecuencia cu e torneo lo no tuma lugar.

Manera ya nos a yega di publica, directiva di A.B.B.A. ta haciendo esfuerzonan pa contrata un entrenador. Esaki lo ta especialmente en vista di e campeonato mundial amateur den luna di december na Colombia. Na e campeonato aki Aruba tin intencion di participa cu un seleccion di AA. Un peticion ya a worde dirigi na A.S.U. pa paga e gastonan di e entrenador y e peticion ya a worde aproba. Esfuerzonan pa contrata Dalmiro Finol, kende un biaha caba tabata entrenador na Aruba y a laga asina un bon impresion, no tabata tin exito. Finol a avisa directiva di A.B.B.A. cu gustosamente lo e kier a bin Aruba, pero cu debi na e tin otro compromiso como entrenador, e no

por bin Aruba. E Venezolano aki a manda alavez masha cumindamento pa tur su conocirnan y e fanaticada di Aruba. Despues di haci diferente otro contactonan den exterior, directiva di A.B.B.A. a logra hanja un entrenador disponibel. Esaki ta e Venezolano Alejandro "Morrocho" Hernandez di Caracas, kende no ta un desconocido na Aruba ya cu el a bin aki algun aña pasa como manager di e novena di INOS. E entrenador Hernandez, segun informacionnan obteni ta poseer tur e cualificacionnan pa por ocupa e puesto di entrenador. Confirmacion ta worde spera di Hernandez pa e contract worde cera.

En relacion cu e viahe pa Colombia na december pa competi den e campeonato mundial amateur, directiva di A.B.B.A. tin plannen pa hunga un rifa di cual e sorteo lo tuma lugar ariba dia 30 di september. E premio lo ta un pasashi cu jet di T.C.A. Aruba/New York/Aruba y mas \$100.-- pa gasto y 5 entrada liber pa e feria mundial na New York. E ultimo aki ta un obsekio di Mariboro. Prijs pa number di e rifa lo ta \$1,

**Aruba Jrs 45  
Caribe 28**

(Di nos redactor Deportivo)

E equipo masculino clase A di Aruba Jrs a derrota esun di Caribe cu anotacion di 45 pa 28. U Tromp tabata e mihor anotador di Aruba Jrs cu un total di 18 punto riba su nomber. Di e caribenjonan A. Lacle tabata e mihor cu 12 punto. E equipo B di Aruba Jrs a perde pa apenas un punto contra di e quinteto di R.C.A. E emocionante partido aki a termina cu anotacion di 37 pa 36. Juan Tromp di Aruba Jrs tabata e mihor anotador den e partido cu 16 punto. Di R.C.A. a acumula mas hopi R. Quillotte cu total di 12.

## HET BESTUURSCOLLEGE VAN HET EILANDGEBIED ARUBA

maakt bekend dat op maandag 5 oktober 1964 des voormiddags 11.00 uur OPENBARE AANBESTEDING wordt gehouden op het kantoor van het Hoofd van de Dienst Openbare Werken voor de levering van:

EEN DROOGPOEDER-BRANDBLUSWAGEN VOOR DE PRINSES BEATRIX LUCHTHAVEN.

Inschrijvingsstukken zijn op voormeld kantoor verkrijgbaar tegen betaling van fl. 2.-- per stel.

Wij staan voor U klaar met cursussen Spaans voor beginners en gevorderden.

Aanvang: 17 aug.

**St. Gerardus cursus Aruba.**

O<sup>o</sup> stad tel. 3268 - San Nic. 5365

y e producto di e rifa ta na beneficio di e viahe di e seleccion Arubano pa Colombia na december.

## CONTINUACION DI PAG 1

cesariamente ya cunostakere cu e decision cu door di e comision di arbitraje a worde tuma mester tabata e final di e tristu historia di e conflicto aki. Tur persona sensato y cu tin deseo di mira deporte progresa tabata satisfecho dia cu a worde menciona cu un comision di arbitraje lo a studia e conflicto y duna un decision cu ambos, tanto Juventud como A.V.B. lo acepta y reconoce. No tabata importa, ni ainda ta importa cual di dos lo a sali mas perhudica cu e decision di e arbitraje, pero si tabata y ta importa cu e conflicto lo a keda resolvi pafor di sala di justicia. No ta bunita ni na beneficio di e deporte pa conflictonan worde dicidi door di un Huez. Un deporte mester ta asina bon organisa cu su propio reglamentonan mester por cubri tur problemanan cu por presenta y loke ta mas importante ainda cu e reglamentonan ta mantencion di e reglamentonan. Ta parce nos consentido y na beneficio di e deporte si A.V.B. respeta e sentencia aki di Huez y cumpli cune door di pone Juventud Millionarios den e campeonato di futbol 1964 y avisando e clubnan afilia promer cu Dia Huebs dia 20 di augustus. Pasobra si sosode cu A.V.B. no ke haci esaki, anto diabierna dia 21 di Augustus Juventud Millionarios por cuminsa cobra A.V.B. e suma di F.5.000.-- Loke ta muy probable ta cu A.V.B. no tin e suma aki pa por paga, si nosterne na cuenta tur e declaracionnan cu nan situacion financiero no ta bon. Si e asunto aki bai leeuw cu

Juventud por cobra y A.V.B. no por paga e Fl. 5.000.--, anto no ta imposibel cu Juventud laga pone beslag ariba e entradanan di A.V.B. Y e entradanan aki ta consisti di su parti di e weganan cu ta worde hunga den Wilhelminastadion. For di e parti cu tin di bai pa A.V.B. ta toca na e clubnan y na e asociacion di referenan un cierto suma, pero si beslag worde poni ariba loke ta toca na A.V.B. esaki lo portin como consecuentia cu e clubnan lo perde parti grandi di entrada cu fin di anja nan ta custumbra di hanja. Mescos lo t e caso cu e asociacion di referenan cu tindi haya un suma tur anja. Apesar di un of otro expresion haci cabacu "Juventud lo no hunga y cu e Fl. 5.000.--, ey ta nada otro cu un sonjo", nos ta spera cumayoria di directiva di A.V.B. lo realisa cu e paso correcto pa nan tuma awor ta respeta e sentencia di e Huez. Tur hende ta convenci cu si directiva di A.V.B. a permiti Juventud for di principio pa apela cerca e Comision di Apelacion di A.V.B. of luego a acepta promer cu e caso a bai Huez pa promer blaha, pa nombra un comision di arbitraje, anto lo no tabata necesario pa acudi na Huez ningun momento. Esaki ta algo cu a worde confirma tambe door di e comision di arbitraje. Lo ta na beneficio di e deporte si edirectiva di A.V.B. tuma e decision di cumpli cu e sentencia di Huez.

continuacion di pag 1

mna den awa. E publico a hala nan stoelman y mesanan mas bao di dak y asina por a sigui goza di e show. Cu hopi handicap sin embargo e organisadornan a logra di presenta e show. E microfoon no tabata mas loke e tabata promer cu awa acuminsayobe y e publico sinta pega ariba otro, mescos cu sardin den bleki. Sin embargo cada uno por a goza di e trahenan di Palais Oriental e peñadonan di Maggy's Beauty Shop y e diferente modelonan di auto di Autorama. Durante di pausa e banda di Mariniernan di Savaneta a presenta algun numero animante pa e publico. Despues di e show e stoelman a worde hala un banda y Nueva Sensacion a tuma mando ariba pista di orkestra, caminda nan tononan musical inmediatamente a percura pa e parehanan subipista di baile, lubidando awa sero y gozando di e anochi organisa pa Indische Club Aruba.

\*Cinco presu a worde mata awe y mas o menos cien herida ora cu guardianan a evita un intento masal pa hui for di prison di Sao Paulo, Brasil, asina noticianan di radio tabata bisa. Seis presu a worde hospitalisa cu heridanan grave. Ora cu un guardia a descubri e intento di 500 presu pa hui el a tumba e delantero cu tironan for di su scopet automatico. merca ta traha

## Praktijk diploma boekhouden

(Alleen voor GESLAAGDEN voor H.B.S. en M.U.L.O.)

HANDELSKENNIS L.O. en DIPLOMA M.B.A.

Aanmelden voor privé- en clublessen bij C.J.W. van Meurs, Sweelinckstraat 2, tel. 2355/1813.

## JABON HENO DE PRAVIA

exquisita fragancia 45 ct. pastilla grandi.

**JABON FLORES DEL CAMPO**

intensamente perfumada 25 ct. pastilla grandi. Di venta na bo BOTICA of SUPERMARKET favorito.

## ARUBA PEST

## CONTROL CO.

- \* Extermination of household pests
- \* Elimination of termites
- \* Soil treatment
- \* Free estimate on request.

Please call: 5039 - 5558.

## TA BUSCA

Un dama joven, entre 25 y 29 años, atractiva y soltera.

E mester por domina Inglés. Pa traha como modelo y gia durante trahamento di un película di Aruba. Manda un foto reciente. Interesadonan skibi: Larry Taylor, P.O. Box 13, St. Thomas, U.S. Virgin Islands.



## BOTICA ARUBA

Personal competente  
+ Maquinaria moderna  
+ Servicio excelente.

Jama No. 1080 - 1081

of 1180

y nos ta busca bo recept y entrega e remedio na bo cas.

## TERITORIO INSULAR DI ARUBA

Hefe di Servicio di Salubridad Publico ta participa cu for di dia 17 di augustus 1964 te ariba dia 22 di 1964 lo tin oportunidad atrobe pa laga inyecta muchanan gratis contra parálisis infantil (di dos rond 1964). Muchanan naci durante 1963 por wordu treci na e luganan menciona aki bao durante e siguiente oranan di consulto:

clínica di gobierno na Savaneta  
clínica di gobierno na Noord  
clínica di gobierno na Sta. Cruz  
clínica di gobierno na St. Nicolaas

di 3'or te 4'or p.m.  
di 2.30 te 3.30 p.m.  
di 3'or te 4'or p.m.  
di 2'or te 3'or p.m.  
(cu exepcion di diamars)  
di 2'or te 3'or p.m.  
di 12'or te 1'or p.m.

clínica di gobierno na Oranjestad  
clínica di gobierno na Paradera

Si tin apel di inyección contra parálisis infantil, sea asina bon di trece.



*Si, mi ta tuma nota...*  
**FALTA SOLAMENTE 5 DIA**  
**DIA 22 LO TA**  
*cerramento di e grandioso concurso di*  
**REY DE COPAS!**  
*Si, esey mi sa, tur loke mester haci ta:*



Simplemente duna un nomber bunita  
na e 4 popchinan den Show-window di  
oficina di Rey de Copas y gana placa

**REGLANAN PA PARTICIPA DEN E CONCURSO**

- 1) Entrega 1 botter bashi di Rey de Copas di 1/2 gallon of 2 botter bashi di Ron Rey de Copas di 3/4 liter of 4 botter bashi di Ron Rey de Copas di 24/2 of 8 botter bashi di Ron Rey de Copas di 48/4 na Aruba Distilling Co., Wilhelminastraat No. 47 y bo ta hanja un formulario pa yena bo nomber y direccion y e nombrenan pa e cuater rumannan.
- 2) Entregá e formulario aki yená na oficina di Aruba Distilling Co., Wilhelminastr. No. 47 y percura pa bo recibo, cu ta pega na e mes formulario, ricibi su stempel di entrega.
- 3) Warda dia 22 di agosto 1964 y cobra bo placa si e nombrenan cu bo a duna ta e nombrenan favorecé.
- 4) E mes persona por yena cuantun formulario cu e ta desea, contal cu e entregá pa cada formulario e cantidad di botter bashi requerido.
- 5) Si tin mas cu un beneficiado, e premio ta ser parti den esnan cu tin e nombrenan escogí.
- 6) Exigi pa bo recibo tin un stempel di Aruba Distilling Co.

**SEMPER E FAVORITO**  
**RON REY DE COPAS**  
**EL REY DEL TRAGO**

**NOTA:**

Directiva di Aruba Distilling Co. ta e unico entidad responsable pa scogemento di e nombrenan. E nombrenan aki lo no ser scoge pa suerte y si e nomber aki ta igual na cualkier nomber cu surgi pa algun acontecimiento, esaki ta debido na pura casualidad.



**REY DE COPAS**

**ARUBA DISTILLING CO.**

**Wilhelminastr. 47**

**Tel. 1266**

## Trafico maritimo

ORANJESTAD, 17 aug. -

Juli 1963	
165 tankers	2,875,557 BRT
61 otro bapornan	341,465 BRT
1 barco di bela	59 BRT
227 Totaal	3,217,081 BRT
157 tankers	2,687,776
78 otro bapornan	381,583 BRT
1 barco di bela	59 BRT
1 draga	400.---BRT
237 total	3,069,818 BRT

## Dos treinta anja na Lago

SAN NICOLAS, 17 aug. - Awe tin dos empleado di Lago, kendenan ta celebra e echo cu nan a

cumpli treinta aña den servicio di e compania menciona. E dos nan aki ta señor Jose M. Winterdaal di cincuenta aña y David L. van Putten di cincuenta y dos aña.

E promer a cuminsa servicio net treinta aña pasa como Laborer prome klas na Dry Dock.

For di ey el a keda promove te cu el a yega awor na Corporal "A" den departamento di Mechanical- Building & Services Señor van Putten a cuminsa servicio na 1932 como Fireman. Despues di interrupcion di su servicio el a bolbe cuminsa na aña 1936 como Laborer "A" den departamento di Verf. Su carera a continua cu interrupcion di trabao, y bolbe cuminsa

na otro departamentonan, te cu awor e ta ocupa puesto di "Oil-ler" na Marine - Floating equipment.

## Dr de Beus di bishita na Aruba

ORANJESTAD, 17 aug. - Diabuebes atardi cincor a jega Aruba e representante Hulandes di e delegacion permanente di Holanda na Nacionan Uni, sr. Dr. J. de Beus hunto cu su esposa. Na aeropuerto nan a worde encontra pa gezaghebber interino I.S. de Cuba y secretario interino A. Bool.

Diabierna mainta sr. De Beus y señora, kendenan ta haciendo

un bishita na Antillas, hunto cu señor Hubert Bool, hefe interino di Servicio Informativo di Gobierno a haci un bishita na e diferente projectionan di desarojo na Aruba. Atardi nan tabatin un luncho cu diputado F.J. Tromp na Astoria Hotel, mientras anochi B.C. a ofrece e hues-

pednan un dinner na Aruba Caribbean Hotel. Diadomingo atardi e huespednan a regresa Corsow.

E representantenan di Turquia y delegacionnan na Ginebra tocante Chipre, a declara awe, cu Turquia ta dispuesto pa considera un status nobo pa Chipre.

## HET BESTUURSCOLLEGE VAN HET EILANDGEBIED ARUBA

maakt bekend dat op maandag 31 augustus 1964 om 11.00 uur des voormiddags OPENBARE AANBESTEDING wordt gehouden op het kantoor van het Hoofd van de Dienst Openbare Werken voor de levering van AUTO- EN MOTORBOOTBELASTINGPLATEN VOOR 1965 volgens bestek no. 8-1964.

Inschrijvingsstukken zijn op voormeld kantoor verkrijgbaar tegen betaling van fl. 1.--



Diahuebes ultimo e promer miembronan di "Club di Viaha" di señor Frank Booi jr. a sali cu T.C.A. pa Puerto Rico pa despues sigui pa New York caminda nan lo bai World Fair. En total a sali como binti dos participante di e club di viaha. E miembronan di e club aki segun nos a worde informa tin cierto facilidadnan cualnan nan ta ricibi. Ariba e foto aki nos ta mira e promer grupo, cu completamente na drechi señor Frank Booi jr., poco promer cu esakinan a subi avion pa New York.



Diahuebs anochi a cera enlase matominal, e caballero Donald Arends, co director di Aruba Hardware Store y señorita Sara Muyale, e enlase matrimonial aki a worde cera na iglesia San Francisco na Oranjestad, despues di cual tabatin un recepcion na Caribe Club.



Aki Little Miss Universe, Elinor Feanny, ta poniendo e sjerp di "Miss Caribbean Queen", rond di curpa di Marlene Laurence, miss Trinidad, kende a gana e titulo menciona for di seis otro belleza di Caribe. Na robes, nos ta mira Beverly Kerrie, miss Jamaica, kende a sali na di dos lugar. E coronacion aki a tuma lugar na National Stadium, diadomingo siman pasa despues di un programa di representacion di cuatro dia. E otro cinco bellezanan cu a tuma parti na e concurso aki tabata representa, Grenada, British Guyana, Curacao, St. Vincent y Aruba.



## Destajo di extencion di fabrica di awa a tuma lugar

ORANJESTAD, 17 aug. - Diarazon a tuma lugar na oficina di WEB na Balashi e destajo pa extencion di e fabrica di awa cu un capacidad di tres mil metro cubico di awa pa dia. Alternativamente e prijs a worde pidi tambe pa un extension te cu cinco mil metro cubico. E firma cu a haci e oferta di mas abao ta Aqua Chemical Inc. di Wisconsin na Estados Unidos, kende a ofrece pa tres mil metro cubico electr. \$ 777.385, turbino \$ 787.385,-

Werkspoor di Amsterdam, tabata na di dos posicion cu tres mil metro cubico electr. \$ 1.028.000,-, turbino \$ 1.027.000, cinco mil metro cubico electr. \$ 1.510.000,- y turbino \$ 1.510.000,- E di tres cu a inscribi tabata Westinghouse International cu tres mil metro cubico electr. \$ 1.233.000, turbino \$ 1.272.000, - y cinco mil metro cubico electr. \$ 1.676.000,- y turbino \$ 1.704.000,-. E instalacionan tin di worde entrega diezdos luna despues cu e contract worde sera y alavez instala y a draai cuatro cien y ochenta ora di prueba ariba e garantia di e firma cu entregue. Na e momento aki e ingenieronan di WEB ta studiando e ofertanan, cual lo resulta e mihor den "The long run". Pues ta wor tin di worde studia cual di e ofertanan economicamente ta mas efectivo, nan ta poniendo urgencia ariba esaki como cu na mas liher Aruba ta sali for di su necesidad urgente di awa. E oferta di Aqua Chem den e caso aki ta interesante como cu pa cuarenta mil dollar extra e por caba cu e instalacion dos luna promer. Esaki por sosode tambe parse door di Werkspoor. E situacion di awa na Aruba ta di tal manera atrobe cu WEB abolbe cuminsa pone e plachinan den e coneccionan di awa. Esaki ta pa percura cu tur hende por hanja awa. Segun ta worde spera den circulo di WEB. Si tur cos bai bon e fabrica di awa lo ta cla na luna di juli of agosto otro aña. E motibo cu dos oferta a worde pidi ta en coneccion cu e planan anunciad anteriormente en cuanto establecimiento di un empresa di salo y caustic soda. En coneccion cu e establecimiento di e dos fabricanan aki, di cual esun di caustic soda ta usa hopi awa mes un oferta a worde pidi tambe pa un unit di cinco mil metro cubico. Si Aqua Chem hanja e contract anto no ta imposibel cu e aparato di cinco mil metro cubico lo worde pidi como prijs pa esaki ta mucho mas abao di loke a worde calcula. Den cierto circulon comercial nan ta spera cu e desicion di contract lo bai pa empresa Hulandes. Den e cuestion aki nan ta mira cu Hulanda ta duna yudanza financiero y pues lo ta bon tambe si e empresanan Hulandes por haci un investigacion di gobierno Hulandes na Antillas.

### T&T ta prepara pa fiesta


### Dia di Independencia

San Nicolaas 17 Agosto. Diabierna e directiva di Trinidad y Tobago Welfare Association a reuni den e sala di reunion di Anglican Church na San Nicolas, pa traha planan pa fiesta Dia di Independencia di Trinidad y Tobago.

E habitantenan di e islanan aki dia trinta y un di e luna aki pa di dos biaha lo celebra nan independencia. Carchinan pa e fiesta y ta di benta na Rogers Sales, cerca L. Roberts na Aruba Trading Co. Na San Nicolas y cerca Hickinsons y senjora Frazer na Lago Heights.



Diasabra anochi Indische Club Aruba a organisa un show di moda combina cu un show di auto. Durante e anochi aki diferente trajenan y bistiñan precioso di Palais Oriental a worde musta. Mientras cu Autorama a percura pa esnan cu tin intencion di compra un auto nobo haci nan scohe na e lugar aki. Lastimamente cu net poco despues cu e show a cuminsa, un tremendo awacero a interumpi e show. Mientras cu algun modelo tabata mostrando nan traje di banjo, awa a cuminsa yobe y duna nan un banjo. Publico a corre busca di scondi pa awa mientras diferente a pasa man su stoel, algun cu stoelnan pa bai sinta otro caminda. Pero en todo caso asina cu tur cos a worde regla atrobe show a continua y e portretnan ta duna nos un idea di e representacion di diasabra anochi, cual show a termina cu un baile anima pa Nueva Sensacion.



## St Jansknapien na Plantage Tromp

PALM BEACH, 17 aug. - Siman cu a pasa cuarenta y cinco St. Jansknapien di San Nicolas a pasa algun dia na Plantage Tromp. Bao di gia di frere Antonius y Ricardo e muchanan a pasa un tempo alegre. E team di Libbys a hunga baseball y un team di San Nicolas a hunga soft ball contra di St. Jansknapien. Naturalmente tabatin wega di volleyball y a worde landa. Diabierne e hobenan a regresa nan cas satisfactoriamente.

## POVA ta eligi presidente nobo

ORANJESTAD, - 17 Aug. Dia trinta di e luna aki durante di un tal "Family Picnic" den POVA centrum na Palm Beach un reunion general di miembronan di e organisacion aki lo bai eligi un presidente nobo pa e anja entrante.

E presidente nobo lo reemplaza senjor C.de Jager, kende ex-comisario di polis na Aruba, a worde traslada pa Corsow. Segun ta worde spera e comisario interino na e momento, senjor

J. Schouwe lo worde eligi como presidente di e organisacion. Siman entrante tin diferente programan pa muchanan di miembro nan di POVA ariba programa.

Pelicula pa muchanan, baile cu un Jazz pa e teenernan y lo demas.

E Vijfkamp traditional di polis cual tur anja ta worde organisa entre e cuerpo plicial di San Nicolas y Oranjestad e anja aki lo tuma luga poco mas laat cu custumbra.

Segun e directiva tin pensa, esaki lo tuma lugar na november.



## Mas tropanan di N.U. pa Chipre?

Nacionnan Uni, -- UPI -- E secretario general di Nacionnan Uni, U-Thant a pidi e 9 paisnan cu tin tropanan den e contingente di paz di Nacionnan Uni na Chipre, pa nan aumentá nan contribucion di hombernan. E 9 estadonan, di cual e embahadornan den Nacionnan Uni a conferencia conhuntamente cu e secretario ta: Australia, Austria, Canada, Dinamarca, Finlandia, Gran Bretaña, Irlanda, Nueva Zelandia y Suecia.

Segun e ultimo calculonan, e contingente, aparte di su forsa poli-

cial, ta formá pa mas di 6,200 solda, di cual e humero pa cada pais ta consisti di e manera aki:

Austria 66; Canada 1,101; Dinamarca 991, Finlandia 986, Gran Bretaña, 1,281, Irlanda 1,034, Suecia 810.

Australia y Nueva Zelandia tin solamente polisnan, e prome tin 50, e di dos 20. Ademas di soldanan, nan a manda 35 polis di Austria, 40 di Dinamarca y 40 di Suecia.

## RUSIA LO LANZA COHETE TRIPULA?

Moscu -- UPI -- Rusia a lanta un satélite sin tripulante den espacio awor qu a provocá afirmacionnan di un experimento ruso sensacional dentro di corto tempo, durante di cual cosmonautan muher y homber lo ehecufá.

E sovieticonan a manda nan satélite numero 37 di e serie cosmos den espacio, pa sigi exploracionnan preparatorio di vuelonan di cosmonauta nobo. Esaki ta e di sexto lanzamiento den e ultimo dos lunanan aki. E anterior grupo di lanzamentonan di e serie cosmos a presidi e vuelo espacio doble na juni di aña pasá 1963 den cual e cosmonautanan Valery F. Bykovsky y Valentina Tereshkova, quende ta e promer muher cosmonauta. Observadornan occidental ne ciudad aki y Merca a bisa qu e sovieticonan acaso ta preparando nan mes pa lansa tres cosmonauta ne mesun momento, posiblemente

den un boog rond di luna, y pa trata e prome union di nacenan espacial. Den e caso aki ta posible qu nan bolbe inclui un muher. Cincu satélite cosmos a drenta den orbita prome qu e doble lanzamiento di Bykovsky y Tereshkova a tuma lugar. Cosmos 37, segun e agencia oficial di noticia Tass, tin tur e instrumentonan científico necesario qu a ser usa den e otro satelitenan den nan vuelonan anterior.

E serie cosmos a cuminsá na maart di 1962, cu e proposito di studia construccion di navenan sideral, pa medio di comunicacionnan, e efecto di e meteoritonan riba e "Sputniknan", y e fahanan di radiacion. Algun observadornan occidental a manifestá qu e satelitenan cosmo tambe por ta "spionnan celestial" qu ta transmiti fotonan di instalacionnan di defensa di Merca pa Rusia.

### Juan Servinio Fingal di jubileo

ORANJESTAD, - 17 Aug. Diabinti di e luna aki senyor Juan Servinio Fingal lo celebra subinti cinco anja den servicio di gobierno na douana. Senyor Fingal, kende na e momento ta hoofdcomies a cuminsa servicio como hulpcomies. Na e momento e ta biba na Piedra Plat 203 y ta casa cu senjora Cicilia Finga Geerman y tin diez jui.



**DACHAU MEMORIAL:** Obispo Neushalser y reportero Tom A. Cullen ta sali for di e misa di Cristo en Angonia, riba terreno di e campo di morto di Dachau.

### Cuatro a gradua pa VEV monte

ORANJESTAD, 17 aug. - For di Hulanda e noticia a worde ricibi ultimamente cu cuatro di e candidatonan cu dia seis di juni ultimo a haci examen pa VEV-adsiprant monte na Pres. John Kennedy School na Aruba a gradua. E cuatronan aki ta Juan A. Croes, Celestino F. Croes, Julius E. Lampe y Gabriel A. Maduro. Diezseis otro candidato no a pasa.

### Mutacionan den

ORANJESTAD, 17 Aug. - Ultimamente e siguiente mutacionan a tuma lugar den servicio di Land na Aruba:

Nombracion:

Sr. Thomas Kelly, como hulpbediende na Laboratorium di Inspeccion di Sanidad Publico Srta. S.L. Brandshaw, pa un tempo di prueba di seis luna como schrijver B den servicio temporario na oficina di Adjunct-Inspector di Belastingen sr. A.E. Toppenberg como schrijver b den servicio temporario na oficina di Adjunct Inspector di Belastingen.

Srta. F.R. Dirks, pa un tempo di prueba di seis luna como schrijver a den servicio temporario na Postkantoor. Srta. A. Correa pa un tempo di prueba di tres luna como leerling labarante den servicio temporaria na Landslaboratorium.

Promocion:

### servicio di Land

Senyor C. Riem, agent di Polis promer na Klas, pa hoofdagent di Polis Sr. J.H. Schenker, controleur segunda klas departamento asuntonan social y economico pa controleur.

Translada:

Sr. C.J.G. de Plaa, agent di polis promer klas pa Ayuba  
Sr. W. Kuenan, agent di polis promer klas pa Aruba, pa Corsow.  
Sr. R. Campagnard, agent di polis segunda klas pa Aruba, Sr. C.A. de Jager, comisario di polis di Aruba pa Corsow, Sr. J.S. Schouwe, hoofdinspecteur di polis di Corsow, Sr. J.S. Schouwe, hoofdinspecteur di polis di Corsow pa Aruba.

REETIRO HONORJIO

Sr. E. van der Blezen, bode den servicio temporario na oficina di Landsontvanger, Srta. F. de J. Wild schrijver b, na administracion di Polis, en coneccion cu enlase matrimonial.

## POVA ta despedi di De Keyzer

PALM BEACH 17 Aug. Durante di un anochi especial den Pova Centrum na Palm Beach diabierne anochi, e co-miembreonan di POVA a tuma despedida di senyor J. De Keyzer, ex-hefe di departamento di trafico di polis na Balashi, kende ultimamente a termina su servicio cu cuerpopolicial na nos isla y pronto ta sali pa Europa pa bal goza di su pensioen.

Senyor De Keyzer kende ta masha conoci na nos isla, durante e anochi special na POVA a tende masha hopi palabra bunita dirigi na su persona y su esposa, kende

de pa motibo di malesa no por tabata presente e anochi. Entr e oradornan tabata Hefe - Comisario di polis na Antillas, Mr. van der Stuer, kende a bin special for di Corsow pa despidi di De Keyzer.

\* Papa Pablo a manda telegramnan pa gobierno di Chipre, Grecia y Turquía, den cual e ta haci mencion di e miedu y spant cu cual e ta tende di e sucesonan na Chipre y ta declara cu e lo resa pa un solucion pacifica, asina a worde participa awe nochi na Roma.



Diadomingo mainta ultimo un negoshi nobo a keda inaugura oficialmente na Oranjestad. Esaki tabata Wariruri Bar den John G. Eman straat.

E bar nobo aki, cual ta aireacondiciona ta di señor M. Miguel Lacle. Ariba e foto nos ta hanja un bista di e presencia den e bar diadomingo mainta. Den centro ta sr. E. Lacle, yiu di señor Miguel Lacle tras di bar.



Riba e foto aki nos por mira e famoso tenista norteamericano Chuck McKinley cu den final di Torneo di Tennis na Wimbledon a derrota e conocido Roy Emerson di Australia.



# AGENDA

## ARUBAANSE COURANT

diariamente cu excepcion di diadomingo  
 subscripcion f. 3.25 pa luna  
 edicion los 20 ct.  
 edita pa:  
 N.V. ARUBAANSE DRUKKERIJ  
 - en UITGEVERS - en PUBLI-  
 CITEITS MIJ

imprimi na:  
 N.V. DRUKKERIJ  
 "DE STAD"

Telefoon 1116 Directiva y redac-  
 cion, 2116 Anuncio y subscrip-  
 cion.

Directeur hoofdredacteur:  
 D. Wolff.

POR CUMPRAR ARUBAANSE  
 COURANT NA E SIGUENTE  
 LUGARNAN:

NA ORANJESTAD:  
 BOEKHANDEL MAREKA.  
 PIET SODA FOUNTAIN.  
 REFRESQUERIA INGRID.

NA SAN NICOLAS  
 NICOLAAS STORE.  
 UNION STORE.

## BOTICANAN DI WANDA

Oranjestad Botica Del Pueblo  
 Tel: 1253 - 2154  
 San Nicolas Botica San Lucas  
 Tel 5119

## CINE

De Veer: 8.30 p.m. "Draaikolk  
 der Driften" 18j  
 Rialto: 8.00 p.m. "The Day of  
 the Triffids" 18j  
 Principal: 8.00 p.m. "Ursus de  
 Leeuwenkoning" 14j  
 Aurora: NO MOVIES  
 Savaneta: 8.00 p.m. "Tiara Ta-  
 hiti" 18j

## TELEARUBA

05.30 Cartoons  
 06.00 Annie Oakley  
 06.30 N.T.S.  
 06.45 Papiamento Newscast  
 (Live) & Newsfilms  
 07.00 Flintstones  
 07.30 Sportnews  
 07.45 I Love Lucy  
 08.15 Have gun will travel.  
 08.45 English Newscast (Live)  
 & UPI Newscast  
 09.00 Dutch Film  
 10.00 Florian Zabach

## RADIO KELKBOOM

7.00 Opening  
 7.02 Bon dia cu Alegria (Instru-  
 mental)  
 7.30 Noticia Internacional (Amstel)  
 7.45 Musica Matutino  
 8.00 Seleccion musical cu dis-  
 conan Latino  
 8.30 Cumpleaños Feliz  
 9.00 Noticia Social  
 9.15 Musica Varía  
 9.30 Melodias Instrumental  
 10.00 Noticia Internacional  
 10.05 Ritmos Latinos  
 10.30 Programa di N. Habibe Jr.  
 11.00 Noticia Internacional  
 11.05 Musica Norte Americana  
 11.15 Musica Antillana  
 11.30 Musica Varía  
 12.15 Noticia Internacional (Am-  
 stel)

12.30 Musica Norte Americana.  
 12.45 Noticia Local (Viana)  
 01.00 Variacion di Ritmo latino  
 01.30 Mei ora cu Boleros  
 02.00 Novela (Repeticion)  
 02.30 Peticiones  
 03.15 Ritmos di Caribe  
 03.45 La Macorisana & Inter-  
 nacional Supermarket  
 04.00 Musica cu sabor Azteca  
 04.30 Noticia Local (Heineken)  
 04.45 Cocktail Musical  
 05.00 Danzones Cubanos

06.30 Musica para la Cena  
 07.00 Noticia Internacional pa-  
 pamento  
 07.15 Musica Aleman  
 07.45 Musica Norte Americana.  
 Instrumental  
 08.15 Novela (Colgate)  
 08.45 Musica Varía  
 10.00 Siuiting.

## RADIO CARACAS TELEVISION

8.45 Senderos de luz  
 9.00 T.V. Educativa  
 10.30 Cosas de mujeres  
 11.15 El hogar y la moda  
 11.45 Novela  
 12.00 Noticias  
 12.05 Show de Renny  
 13.15 Se necesita una amiga  
 13.35 Cortos  
 14.00 Yo se lo vendo  
 14.30 Documental  
 15.00 Estudio de Hector Monte-  
 verde  
 15.30 Perfecta ama de casa  
 16.00 Mejias y sus muchachos  
 17.00 Fuego de juventud  
 17.30 Patrulla fantasma.  
 18.30 A gozar con salami

## RADIO ANTILLANA

05.30 Manianita Arubana  
 05.45 Bai Trabao den Compania di  
 Bo Companiero constante  
 Radio Antillana.  
 06.10 Noticia na Ingles  
 06.30 Noticia na Papiamento  
 07.10 Noticia na Ingles  
 07.30 Noticia na Papiamento  
 07.45 Programa di Joel Nieuw  
 08.00 Espacio pa Ritmo Criollo  
 y poesia.  
 08.10 Noticia na Ingles  
 08.30 Musica y consejo dedica na  
 tur nos Automobillistanan.  
 09.00 Noticia na Papiamento  
 09.15 NPrograma dedica na tur A-  
 manan di cas.  
 09.30 Mejico ta canta pa tur nos  
 Amanan di cas.  
 10.10 Noticia na Ingles  
 10.20 La Macorisana e Internacio-  
 nal Supermarkets.  
 10.40 Continuacion di Amanan di  
 Cas.  
 11.00 Programa dedica na amanan  
 Di Cas.  
 11.15 Noticia na Ingles  
 11.25 Regalo Musical  
 12.00 Melodias Antillanas  
 12.10 Noticia na Ingles  
 12.20 Noticia na Papiamento  
 12.30 Noticia na Ingles  
 12.45 Capsulas En Orbitas alre-  
 dedor di Mundo Deportivo.  
 P.M.  
 01.00 Noticia na Papiamento  
 01.15 Fiesta Calypso  
 02.00 Lo De Ayer  
 02.30 Boleros Romanticos.  
 03.00 Music for Teenagers  
 04.00 La Esperanza y su Obsequio  
 Musical  
 04.30 Complaciendo Peticiones  
 05.00 Noticia na Papiamento  
 05.15 Programa di Budweizer  
 05.30 Calypso Rama-China Clip-  
 per.  
 05.45 Calendario Antillano  
 06.00 Kinderuurtje  
 06.15 Musica Norte Americano.  
 06.30 Noticia na Papiamento  
 06.45 Variacion Musical  
 07.00 Felicitacion es y Complaci-  
 endo Peticiones  
 08.00 Programa pa tur Pacient-  
 nan den San Pedro y Lago  
 Hospital.  
 08.15 Cont. di Felicitaciones y  
 Complaciendo Peticiones  
 08.30 Saludos Reddy Kilowatt  
 (Dial. Diaraz. Diablierna  
 Diasabra)  
 09.00 Musica Latina.  
 10.30 Melodias y Romance  
 12.00 Clausura.

19.00 Las enfermeras  
 20.00 Yolanda Moreno  
 20.30 Radio Rochela  
 21.00 El observador Creole  
 21.15 M. Squad  
 21.45 Dick Powell  
 23.00 Cine en español

## RADIO VICTORIA

06.00 Peticiones  
 06.15 E Bijbel Habri  
 06.30 Ultimas Noticias  
 06.45 Ecos Del Cielo  
 07.10 Bo Musica Favorito  
 07.45 El Sendero de Vida.  
 08.00 Canticanan di Evangelio  
 08.15 Mundo Femenino  
 08.30 Ultimas Noticias  
 08.45 Musica di Banda  
 09.00 Noticias Español  
 09.15 Melodias del Alma  
 09.30 Morning Melodies  
 10.00 World News  
 10.10 The Bible For You  
 10.15 Through The Bible  
 10.45 Organ Melodies  
 11.00 Chapel of the Air.  
 11.15 Novela Cristiana  
 11.30 Melodias di Merdia  
 P.M.  
 Ultimas Noticias  
 12.15 Musica Sagrada y Meditacion  
 12.24 Thought For The Day  
 12.30 World News  
 12.45 Quiet Time  
 01.00 Radio Concert Hall  
 02.00 Reading Room  
 02.15 Songs of Zion  
 02.30 Quiet Hour  
 02.45 Radio Revival  
 03.15 World News Headlines  
 03.20 Ensuenos Musicales  
 03.45 La Hora Bautista  
 04.15 Ultimas Noticias  
 04.30 Vertel Uurtje  
 04.45 Noticias Espanol  
 05.00 Musica di Banda  
 05.15 Palabranan di Bida.  
 05.30 Lago Hour  
 06.00 World News  
 06.15 Psychology For Living  
 06.30 Sailor Sam  
 06.45 Listening Post  
 07.00 Musical Interlude  
 07.15 Off The Record  
 07.30 Back To The Bible  
 08.00 Musical Gems  
 08.30 Nederlands Nieuws  
 08.45 De Groene Weide  
 09.00 Klassieke Muziek  
 10.00 Sign Off.

## Postskifitingen

Br. Guiana 15.30-Canada (8.00-15.  
 30)-Colombia 15.30- Curacao (9.  
 30)(15.30)-Europa (1) (8.00-15.30)  
 Jamaica 8.00 - Miami Fla (2) 8.00  
 New York (8.00 15.30) - Nevis 15.  
 30- St. Kitts 15.30- St. Maarten (4)  
 15.30- Suriname 15.30- Trinidad  
 15.30-Venezuela 15.30

guerra."  
 Observadornan no ta kere, cu  
 nombracion di General Nguyen  
 Khan lo trece cambio grandi den  
 e politica di Sur Vietnam. E  
 substitucion di general Duong  
 Van Minh no tabata un sorpre-  
 sa.

Segun e constitucion nobo e po-  
 der ehecutivo ta den man di e  
 president, pero e consejo revo-  
 lucionario tin ultimo palabra.  
 General Nguyen Khan a partici-  
 pa na un mitin cu prensa, cu  
 e libertadnan fundamental indivi-  
 dual e institucionan democratico  
 lo no por worde realisa inmedia-  
 tamente completamente en co-  
 neccion cu e situacion cu e pais  
 ta den. Un que otro lo trans-  
 curri poco poco. Asina cu de-  
 sarollo ta permiti esey, gober-  
 nacion di e pais lo worde en-  
 trega na ciudadanonan eligi.

## Pelicula tocante isla REM

DEN HAAG, 17 Aug. - E pelicu-  
 la tocante construccion di e is-  
 la di television REM, cu a wor-  
 de usa pa e emisora di televi-  
 sion awe, a worde ricibi perfecta-  
 mente na Den Haag y vecindario  
 pa esnan cu ta dispone riba un  
 antenne especial. Esnan cu no ta  
 dispone riba un antenne especial  
 a haya un imagen hopi cla segun  
 calidad di antenne.

## Complot contra Nasser

LONDEN, 17 aug. -Segun e co-  
 rant "Sunday Express" un grupo  
 di diesdos alto oficial Egypcio  
 tabatin e plan pa dia 26 di juui  
 comete un asalto cu dynamit  
 contra president Nasser, tempu  
 cu e tabata pa tene un discurso  
 na Alexandria. Pero na ultimo  
 momento Nasser a dicidi di no  
 tene e discurso, mientras cu  
 e no a asisti tampoco na e pa-  
 rada militar cu tabatin e dia ey.  
 Segun e corant autoridadnan In-  
 gles y Mericano ta na altura  
 di e intento y pa roba vida di  
 Nasser.

Un portavoz Ingles a declara  
 awe. Nos "no sa ainda cu nos  
 mester quere e rumor cu a  
 alcanza nos encunto esey.

## President nobo na Sur Vietnam

SAIGON, 17 aug. - General Ngu-  
 yen Khan ta bira president di  
 Sur Vietnam na lugar di general  
 Duong Van Minh.  
 Den un luna lo tin un gobier-  
 no nobo. E consejo militar re-  
 volucionario, cu a eligi e presi-  
 dent nobo, a proclama un con-  
 stitucion provisional, segun cual  
 un asamblea provisional lo wor-  
 de eligi pa e consejo.  
 General Duong Van Minh ta  
 queda consehero di e consejo  
 revolucionario. E president no-  
 bo a participa, cu e gobierno  
 nobo lo bira un "gabinete di

cria Berta e tambe ta hanje den  
 cabuja cu e novionan di Juan-  
 cho. Cu gran debocion Roberto  
 ta transforma su mes den un  
 Don Juan, kende cu palabranan  
 bunita ta logra di gana amor  
 di Hendrika, e stewardess Ma-  
 cambia di KLM Naturalmente sin  
 cu Juanchito su primo sabi esey,  
 Mary e stewardess Mericano di  
 PANAM ta perde cabez pa Ro-  
 berto, kende naturalmente no tin  
 nada contra. Casi tambe e ta lo-  
 gra esaki cu e stewardess di  
 VIASA, este Adelita, pero door  
 di un caracter mas agresivo y  
 plikante, e cu Roberto ta bira  
 adversarionan grandi di otro.  
 Pero en todo caso cierto mo-  
 mento tur e situacion ta bruha  
 y na lugar di un stewardess  
 di Juanchito ta na Corsow, di ri-  
 piente tur tres ta hunto na e is-  
 la. Juanchito, Berta y especial-  
 mente Roberto na tur manera ta  
 trata di salba e situacion paper-  
 cura cu no tur tres lo topa cu  
 otro den e cas. Esaki ta un si-  
 tuacion cu pa Roberto especial-  
 mente ta un kibramento di cabez  
 enorme, pero pa publico e mo-  
 mento pa hari bariga yen. Dado  
 momentu Hendrika ta confesa  
 Juanchito cu e no ta stima mas,  
 pero Roberto su primo, con ke  
 sea alfin Juanchito ta tuma den y  
 ta felicita nan. Adelita cu su  
 temperamento di un berdadero  
 Latino ta confia e asunto mucho  
 ora cu e topa cu Hendrika den

sala di Juanchito, pero Roberto ta  
 logra scapa e situacion. Di tal  
 manera tin un problema menos.  
 Pero net na momento cu Roberto  
 y Juanchito ta pensando con pa  
 trata e cuestion awor cu Mary  
 di PANAM, ta resulta cu esaki  
 ta hanja un carta, cu un mul-  
 timillonario cu el a sera conoci  
 den avion por ay cu ne, kier  
 casa cune. Mary ta confesa na  
 Juanchito cu e no ta considere co-  
 mo su unico, pues tabatin dos  
 mas acerca, un na Rio y un na  
 Istanbul, pero cu alfin lo e casa  
 cu e multimillonario. Asina e  
 climax di mas grandi ta pasa  
 y e problema ta resolvi. Juanchito  
 ta yega na e conclusion final  
 cu apesar di tur cos, e bida  
 di soltero no ta asina bon.  
 Toonchi Chatlein, kende a hun-  
 ga e rol di Juanchito, huntu cu Ni-  
 na Palm como Mary e stewardess  
 di PANAM, ta habri e comedia  
 y alavez cu publico. Den cumin-  
 samento, segun nos opinion e dos  
 actornan aki tabata boa dominio  
 di nervio. Papiando mucho liber,  
 y sin articulacion claro, e cu-  
 minsamento a bai poco perdi.  
 Pero parciendo recuperando y  
 dominando nan nervio esaki ta  
 cambia por completo. Mila Ra-  
 phaela-Palm, hungando rol di e  
 cria di Juanchito, endudablemen-  
 te, a hunga na un manera fan-  
 tastico. E tabata un "cria" en

cont. pag 8

# EXITO GRANDIOSO PA BAI BINI BON MI AMOR

ORANJESTAD, 17 aug. - Na un manera fantastico  
 e grupo di comedia di Centro Cultural Curacao,  
 diablerna anochi a duna nan promer presentacion  
 di "Bai Bini Bon, mi Amor", un comedia humo-  
 ristico, den Centro Cultural di Aruba. E publico  
 di mas cu tres cien persona, entre cual nos a  
 mira representantenan di B.C. di Aruba, a goza  
 sumamente di un bon comedia presenta pa artis-  
 tanan Curazolenjo di gran caliber. Apesar cu na  
 cuminsamento por a ripara cu publico y artis-  
 tanan mester a custumbra poco cu otro, sinem-  
 bargo e total di e comedia a duna un satisfaccion  
 grandi na esnan cu a presenta y cu a presenciencia.  
 Prueba di esaki tabata ora cu na final di e come-  
 dia, e publico a lanta para pa duna un aplausa  
 tremendo, como si fuera un sala yen, na e artis-  
 tanan di "Bai Bini Bon, Mi Amor".

E comedia ta trata di un Don  
 Juan, kende no ta un amante  
 di casamento, pero alcontrario  
 ta gusta di tin su novionan. E  
 ta hanja e systema aki mucho  
 mas favorable cu casamento.

E Don Juan, jama Juanchito su  
 palabranan ta: "Bo ta casa ora  
 cu bo mester di un hende pa mi-  
 ra pabo". Su novionan cual ta  
 un seleccion di stewardessnan ad-  
 mirable y alavez sumamente pi-

cante ta su material pa e rol  
 di Don Juan. Cada uno a sabi  
 di "hunga" cu nan manera cu  
 ta combinele. Den esaki e ta  
 worde asisti na un grandioso  
 manera pa su cria Berta, kende  
 sabi di "mira, tende y keda ke-  
 to". Su tres stewardess nan tur  
 ta considera nan mes como don-  
 jo di cas, cerca Juanchito, pero  
 ningun di nan sabi cu nan tin  
 dos rival, of mihor bisa "dos-  
 colega", cu kende e ta compari-  
 ti e rol di Juanchito. Pero segun  
 tempo ta pasa e "time sche-  
 dule" di e tres companianan cu  
 cual cada un di e stewardessnan  
 ta bulando, pa Corsow, ta bi-  
 rando menos favorable pa Juan-  
 cho. Basta tempo tabata asina cu  
 ora uno ta na Miami y e otro  
 na Trinidad, esun ta cerca Juan-  
 cho na Corsow, otro momento  
 esun ta na New York y un otro  
 ta na Jamaica, e otro ta ser-  
 ca Don Juan na Corsow. Juanchito  
 cu tur cuidao y atencion ta tene  
 bon cuenta cu esaki. Durante e  
 tempo aki su primo Roberto  
 di Bonaire ta bin cerca dje y  
 door di papiamento cu Juanchito  
 e tambe ta sinti algo pa e rol  
 di Don Juan. Pero mescos cu e



# Janny Brokke a conkista titulo di singles A atrobe

(Di nos redactor deportivo)

Diabierna atardi ariba cancha di Lago Sport Park, a worde hunga e finale di e campeonato di tennis singles clase A entre Janny Brokke y Nel Harms. E partido aki pa diferente motibo mester a worde cancela varios biaha y awor mester a worde hunga a penas 24 ora promer cu e entrega di e trofeonan na e campeon- y subcampeonan di e diferente divisionnan.

Brokke a gana e match den dos set sigi, pero no a hanja nan regla. E setnan a caba 7-5 y 6-4, apesar di no tabata tin oportunidad pa practica ultimo tempo Nel Harms a sabi duna un bunita wega.

Cu e triunfo aki Janny Brokke a conkista e titulo di campeon di singles clase A pa di tanto aña sigi. Tambe el a bolbe conkista triple corona ya cu den dobel di caballeros clase A y den dobel mixto tambe el a forma parti di e team campeon Diasabra atardi despues cu varios partido di exhibicion a worde hunga, entrega di e trofeonan na e titular na e tuma luga. Den su capacidad di president

di Lago Sport Park, Sr. Mateo Reyes a tene un discurso den cual el a felicita tur e campeon y subcampeonan, mientras cu na e otronan cu no a cualifica pa un titulo el a desea miho suerte otro biaha.

Tambe e president di Lago Sport Park a pidi na e clubnan cu ta practica tennis pa nan organisa torneonan pa e deporte worde mas intensamente practica. No torneo unicamente pa nan miem-

bronan, pero torneo na cualnan tur hende por inscribi.

"Ta e clase di torneonan aki ta yuda aumenta interes pa deporte di tennis, un interes cu indudablemente e deporte por haci masha bon uso di dje. Mi ta spera cu otro club y instancianan lo tuma na cuenta e importancia aki y no confia enteramente ariba esun torneo cu Lago Sport Park ta organisa anualmente", tabata palabranan di Mateo Reyes.

Luego for di man di Srta. Myrna Schwengle, Reina di Deporte di Aruba e campeon y subcampeonan a ricibi nan bunita trofeonan.

Den e division di junior a bira campeon e hoben Ragunath y subcampeon Lashley.

Den damas singles campeon Sra. Koome, subcampeona Sra. Koelman, kendenan ambos a viaha pa exterior y diasabra no tabata presente pa ricibi nan trofeonan.

Den damas dobel a bira campeon e team di Nancy Krullaars y su ruman Sra. Sint, subcampeonan a bira Sras. Ina Krol y Dentera.

Den dobel mixto Janny Brokke y sra. Persoons a bira campeon sigi pa Stanley Schoenfeld y su señora.

Singles di caballeros clase B a worde gana door di e hoben promisor Lucho Willems, y subcampeon a bira E. Browne, kende segun e president di Lago Sport Park, ta biba na Lago Sport Park ya cu apenas cinco minuut despues di cuat'or tur atardi e ta ariba e cancha ta practicando.

Campeon di dobel B-klasse di caballeros a bira Herman Kuiperi y Sid Frigerio pa di dos aña sigi, mientras cu Ted Burton y P. Storey a keda subcampeon.

Den singles clase A-Janny Brokke a bolbe conkista e titulo di campeon di Nel Harms esun di subcampeon.

Den dobel masculino clase A e team di Janny Brokke y Vicky Henning Henriquez Jr. a keda campeon puestotabata Stanley Schoenfeld cu Nando Baptist.

Cu e ceremonio di entrega di e trofeonan a yega un fin na e torneo di Lago Sport Park.

## Dakota 2 Jong Aruba 0

(Di nos redactor deportivo)

Cu anotacion di dos gol pa cero, e campeonnan di Dakota a obtene nan promer triunfo den e actual campeonato di futbol hoofdklasse ora cu nan a derrota Jong Aruba. E oncena di Noord sinembargo a duna fuerte bataya na e Dakotajonnan, kendenan indudablemente mester a traha duro pa nan promer dos puntonan.

E goalnan a worde anota door di Dany Pablo y door di Eddy Adonis.

## Horoscopo personal

**ARIES-21 di maart-20 di april-** No laga bo mes worde distrae di e cosnan mas importante cu bo tin cu atende awe. Pues esaki por costa bo placa.

**TAURO-21 di april-21 di mei-** Esaki ta un dia bon ricu cu por explota masha bon si bo mantene bo mes alerta.

**GEMINIS-22 di mei-21 di juni-** Defende bo derechonan y no laga ningun hende gafiabo. Sinembargo sea diplomatico y no drenta den disputanan.

**CANCER-22 di juni-23 di juli-** Atende bo propio necesidadnan prome cu bo encarga cu esnan di otro persona. Sea bon y hasi obranan bon.

**LEO-24 di juli-23 di augustus-** Esaki ta un dia cu quizas bo no mester escohe entre cosnan nobo o bleuw. Tene e ventanan di tradicion na cuenta.

**VIRGO-24 di augustus-23 di september-** Esaki ta un dia excelente pa Virgo cu ta desea di mehora su mente. Trata di studia esaki bon.

**SPAAR  
ARIBA BO  
TYRENAN  
CUMpra E MEHOR  
CUMpra TYRE  
DUNLOP**

**MAS BON  
NO MAS CARO.**

Agente na Aruba:

**N.V. WARENHUIS  
VAN DER REE**

Oranjestad - tel. 1213

**LIBRA-24 di september-23 di october-** Libra cu tin oportunidad di mehora den algun di e prospectonan mas cultural di bida no mester laga esaki pasa.

**ESCORPION-24 di october-22 di november-** Tin perspectivanan nobo. No aleha bo di un oportunidad solamente pa motibu cu bo ta teme cu ta un desafio di un experiencia nobo.

**SAGITARIO-23 di november-22 di december-** Bo compaferonan di trabao lo coopera hopi si bo splica loke ta pasando.

**CAPRICORNIO-23 di december-20 di januari-** Deda bo oranan di mainta na e cosnan mas importante, lagando atardi pa ricibi bishita.

**ACUARIO-20 di januari-19 di februari-** Invita bo miho amiguan di contactonan comercial na un almuerzo riba cual bo por saca un bon negoshi.

**PISCIS-20 di februari - 20 di maart-** Tene masha cuidao di no absorbe influencianan indeseable. E personanan cu ta considerabo menos ta tratando di interveni den bo bida priva.

**TEMBLOR NA SKOPLJE**

**BELGRADO, 17 Aug.** - Djies prome cu mei anochi nan a registra un temblor cu un intensidad di cuater grado riba un escala di 12 grado den territorio di Skopje. Tabata e di 581 temblor den e territorio di Skopje despues di e desaster di 24 juli di anja pasa cu a costabida di mas di mili persona.

## Volleystars a gana promer wega na Caracas

(Di nos redactor deportivo)

Den forma sensacional, despues di ta perdiendo 2-0, e sexteto di Volleystars a reacciona fuertemente den su promer wega na Caracas contra di e seleccion Carabobo. Cu tres game sigi Volley Stars a gana e promer partido haciendo un magnifico impresion.

Den e gimnasio di Instituto Nacional de Deportes na Caracas e encuentronan di volleyball internacional a tuma luga.

Ganando e dos promer gamenan 15 pa 8 y luego 15 pa 6, e damanan di Estado Carabobo tabata bayendo confia den e tercer game. Pero aki a cuminsa un reaccion fuerte di e damanan Arubana. Nan ta gana e tercer set 15 pa 12, y luego tambe esun di cuater cu score di 15 pa 9 pa empata e partido y forza un game decisivo hibando e partido te na su maximo.

E game number cinco tabata muestra un ventaha grandi pa e Venezolanonan cu 14 pa 9, ioke ta nifica cu nan tabata falta apenas un punto pa e triunfo. Pero den forma fantastico Volley Stars ta sigui duna fuerte bataya y cu gran entusiasmo ta gana shete punto sigi pa gana e game 16 pa 14 y cu esey e encuentro tambe.

## Anochi di informacion pa bursaalan

esta Diahuebs anochi ultimo, inspeccion di enseyanza na Aruba, en cooperacion cu diferente otro instancia y personanan a duna un anochi di informacion na e Bursalan kendenan pronto tabao laga nos isia pa bai sigui un of otro estudio na exterior. Diahuebs anochi ultimo e interes pa parti di e Bursalan, y especialmente majornan y conocinran tabata enorme. Especialmente e interes tabata bon e aña aki.

Maestro di ceremonio, señor Hubert Bool, como hefe interino di Servicio Informativo di Gobierno, a habri e anochi dunando un informacion di cual ta e doel di e anochi. Despues di esaki diferente representantenan di e Antillanase Studenten raad na Hulanda, a duna un splicacion di e diferente problemanan cu e

Antillananon cu ta studia na Hulanda ta encontra. E splicacion aki cuand tabata sumamente claro y comprendibel pa e presentenan a hanja full atencion di e presentenan. Srta. Joan Peterson, social werkster na Aruba, tambe a duna un splicacion ariba su tereno, esta e bida social na Hulanda, e problemanan cu esaki ta trece y lo demas.

respectivamente como Hendrika, stewardess di KLM, y Adelita como stewardess di VIASA. Tipicamente e macambita, conservativo pa kende no tin nada miho capuseino y spekiy tahanja Antillananon, hombernan peligroso y e Latino-Venezolano agresivo y desisivo.

Ninfa Palm den su rol di e stewardess Maricano, segun nos opinion tabata falta algo caracteristico pa esaki. Sin embargo e rol hunga door di Ninfa tabata bon y rapido, pero manera bisa caba faltando algo caracteristico.

Pero sin duda algun e comedia di tres acto, cual su regision tabata di e conocido Piet Eelvelt, tabata di un clasa major. Nan ta spera cu en futuro Aruba por mira mas artistanan di e caliber aki for den comedia ariba podium. Mas miho bisa, ta di spera cu en futuro lo tin un intercambio intensivo ariba tereno cultural entre e dos islanan aki.

Y esaki endudablemente lo por worde regla, si na Aruba imedidanan worde tuma pa elimina e elementonan y cuestionnan cu na lugar di bringa pa un unidat ariba tereno cultural, ta torpedia esaki. Nos no kler termina sin hael mencion di e decor fantastico, cual tabata e back ground di e comedia. Un trabao di Chal Corson, Peinadonan di Aura's Beauty Shop, Electronico Gunter Bosse y inspietente Paul Huijken.

rubu un bandera, special, como simbolo pa autonomia di NPV di Antillas. E bandera aki tin ariba dje, banderitanan Antillanoy e lelien blanco tradicional. Como recuerdo na su bishita na Aruba senyor Volkmaers a ricibi un mesa di Kwiki como regalo di NPV di Aruba. Diabierna mainta e dedecacion di Hulanda tabata di bishita cerca B.C. di Aruba, mientras atardi despues di delibe acionan cu representantenan di Verkennerij na Aruba, nan a hac un tour over di e isia, mientras anochi nan a sali atrobe pa Corsow for di unda nan lo blaha pa Surinam.

**BAI BINI BON**

**MI AMOR**

cont. di pag. 7

persona. Actuacion di Milla kende tabatin un di e rolnan principal, hunto cu Edison Henriquez-Bornachera tabata di clasa grandi. Lastimamente cu Edison, como Roberto, den e dos actonan promer, tabatin un poco "trobet" di mas cu su dashi. Den su rol di e hoben, poco cu euldao y "no completamente na cas", esaki no tabata tanto notable, pero sinembargo e otro momento e tabata di mas. Rolnan hunga caracteristicamente nos por bisa cu tabata di Stijn Huijkens-Claessen y Rina Penso

## BANDERA DI PADVINDER PA NPV (ARUBA)

**EAGLE, 17 aug.** - Despues di a yega Diahuebs atardi for di Corsow, Hoofdcommissaris di NVP di Hulanda sr. E. Volkmaers, hoofdcommissaris di KV; sr. H.J. Post y comisario di NVP, mr. P. Beke, na aeropuerto di Aruba, caminda nan a hanja un recepcion enorme di padvinderian di Aruba, e caballeronan aki di Hulanda, a pasa pa Aruba Caribbean Hotel, caminda nan a keda un dia ariba nan biaha pa e Jamborette na Surinam. Durante nan estadia akinan, e caballeronan a efecta algun acto di importancia pa Verkennerij na Aruba.

Senyor Post, tdi KV diahuebs anochi tabata na campamento di e grupo katholico di padvinderij na Savaneta, caminda tabatin un campamento. Den presencia di diferente autoridadan ariba tereno di verkennerij na Aruba, senyor Post a haci instalacion di senyor drs. A. Boudens como District Comissaris di KV na Aruba. Durante e anochi aki na Savaneta tabatin diferente intercambio di idea en cuanto verkennerij na Aruba y na Hulanda caminda den ultimotem-

po tin hopi ideanan nobo encanto esaki ta worde practica.

Na Eagle na e mes un anochi, na e campo p major di NPV di Aruba a senyor Volkmaers, hoofdcommissaris di NPV na Hulanda tambe a hac un acto oficial pa NPV na Aruba. Aki tambe den presencia di diferente autoridadan ariba tereno di verkennerij na Aruba, senyor Volkmaers a entrega senyor Toochi Arends, District commissaris di NVP na A-